



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五六二

惕夫詩鈔初刻二十三卷惕夫詩鈔續刻二卷惕夫詩鈔三刻七卷 謝 莢 撰

一

小海山房詩集十二卷 康發祥 撰

三六九

伯山詩鈔十七卷（癸巳集七卷愛日集一卷望雲集七卷由庚集

一卷辛酉詩一卷）附小海山房詩集一卷伯山文鈔一卷 康發祥 撰

四六五

式訓集十六卷 張柏恒 撰

六四九

惕夫詩鈔

初刻

道光癸卯
婺源縣署

序

憶甲戌謝惕夫以拔萃入都余時赴春闈寓居不數晨夕往還見其卓犖不羣心折久之顧猶未以詩鳴也嗣余遠宦十數年而惕夫以詩噪楚中今又官於皖殆與吳下騷壇爭雄長矣而其詩彞固未之見也適惕夫以內憂歸服闋將行出所作古今體二十餘卷示余余固非深於詩者雖束髮事此祇風雲月露之見旋亦慨然棄去至牽絲後跋涉險阻兼以督鉛務由蜀道下浮河濟計往還不下萬里歷覽名勝其一切牢愁欣喜之狀發爲吟詠蓋若有得江山助者要自道其性情未敢與時賢頡頏也乃惕夫之才之學視余且百倍儉腹者對之有目瞠神駭舌橋而不下者而顧不吝見示余亦何能測其涯涘哉然於此中未始無微悟也余嘗謂比興之道微而詩教衰夫詩主性情在乎溫柔敦厚比興則寓意深曲而今人但工賦體古人之賦亦必穆如清風而有含蓄之致今且習爲刻露尖巧甚或極事摹繪而無義蘊存其中殆非所以道性情之旨也詩無工而不好者而貴得其質虎豹之毛炳乎其文狐貉之深煖飾觀於人而皮以爲質皮之不存毛將安傳

序

一

失其質者如剝敗其皮而綴之毛也而安所得飾性情者
質也離質言文則詩雖工而未嘗不厭惕夫自 廷試後
遲久始掇一科其才若學不獲登承明著作之廬而止操
刀小試未獲大展其用其中必有鬱抑喑啞發其不平者
而其詩則一歸於和平麗則蓋性情固然而因文可以見
質也往者李海鵬方伯與余論詩謂今海內健者不過數
人余他不及見惟僅晤吳蘭雪蘭雪集甚富余謂其酬應
之作過多須存其性情真者今惕夫儻其一乎茲行也將
以文章發爲政事則和聲鳴盛蔚然治行又無不可於詩

序

二

徵之顧吾聞吳中爲才士藪山川靈秀其工爲性情之言
失意於時伏處而不出者意不乏人惕夫試爲我求之當
必有觀摩益進者則所望於惕夫尤深而數十年所心焉
契賞若鍼芥之合者在是也

道光二十年冬月同里世弟萬承宗梓巖氏拜序

序

吾楚江漢漚流芷蘭交擢萃厥靈秀蔚生才華騷祖羣奉
左徒詩聖咸推工部膏馥被千穽之遠光猷騰萬丈之長
則有黃岡謝惕夫先生以慧業文人作風流仙吏積學儲
寶含英咀華龍鼎健扛鳳樓獨造白傳齒幼已登拔萃之
選張憑名高爭覓孝廉之船蟠成竹於胸中吐青蓮於舌
底寓情綈綈則銅鉢敲殘寄慨蒼茫則唾壺擊缺旗亭畫
壁王渙之才冠一時幕府傳箋鍾記室譽尊羣彥當代稱
其三絕餘技可了十人每於燈紅酒綠之時恒極對客揮
毫之樂迨至牛刀小試鳬鵝雙飛挂笏看山垂簾永日萬
家齊呼生佛九能可爲大夫顯製錦之才詞如舒錦運裁
花之腕筆又生花獨秀江東豈徒擅鸚鵡之賦流傳海內
不僅負蝴蝶之名咳唾則珠玉隨風嘲笑而泉源湧地初
日芙蓉之品信是天才春草池塘之篇疑有神助暫膺墨
綬驥足偶羈雄踞吟壇牛耳獨執沈璞藻速陸機才多在
禪宗乃最上乘在文苑爲不朽業 榮 句慙詠絮字愧簪花
畧識官商快聆金石兄爲潘岳同年曾記搏鵬壻侍秦嘉
大集得窺全豹承一編之示我爰三復以連朝賦野渡之

序

一

橫舟預徵相業焚爐香於退食可想官清技獻雕蟲儂序

製徐陵之手承以序言見惠峯登落雁君詩低李白之頭

道光辛丑清和月義城潘煥榮謹序

序

二

題辭

儀徵 卞士雲 竹辰

活虎生龍筆一枝自爲機杼織新詞仙雲出岫有殊致老
樹著花多異姿舊夢池塘神悟後雄才鸚鵡陽翻時黃州
玉局餘徽在定許風騷繼主持君有雪堂鴻爪集二卷

元和 朱 綬 酉生

仙人朝別黃鶴樓乘風汗漫凌九州蓬瀛清淺可望不可
卽飄然來作江南遊江南九月木葉下仰睇閭闔涼雲浮
秦淮渡頭一相見談笑直欲橫滄洲新詩示我五色虬長

惕夫詩鈔

題辭

一

鯨駕海風颺龍宮夜宴萬靈集中有廣樂鏗韶球此才
豈合百里侯人生出處難自由奉君金蓮雙照之寶炬衣
君尙方紫貂之綺裘朝陪雕輦暮奏賦嚴徐東馬今無儔
胡爲一官急自效吹笙要溱南陔羞崑崙皖公山清峭臨
寒湫鳴琴振高唱夾路桑麻稠卽今鐵網珊瑚搜炯炯明
鏡懸雙眸儒林祭酒縣令尹讀書致用他何求賤子獲落
彈劬猥長年閉門屋打頭春官四上不見收紅蘅碧杜悲
靈修感君意氣與君語明月正照江天秋君行赴官不可
留我亦歸泛醇溪舟別來若報長相憶看取長江深淺流

及門分校

大冶劉傳吉少泉

漢陽胡殿魁禹門

元和陸毓元闔栽

懷寧葉法湘筠

桐城左賦都少冲

歙縣程校功午槐

歙縣江廷鎮靜臣

霍山吳廷樞星垣

婺源俞起鯤春海

楊夫詩鈔

婺源程經五樓

楊夫詩鈔總目

卷之一

爽來詩草 庚午至癸酉

古今體詩三十九首

卷之二

金臺詩草 甲戌

二十首

卷之三

竹樓詩草 乙亥

二十九首

卷之四

潯川遊草 丙子丁丑 西湖雜詠附

八十七首

楊夫詩鈔總目

卷之五

高城遊草 戊寅己卯

五十四首

卷之六

浠川遊草 庚辰

九十二首

卷之七

竟陵遊草 辛巳

一百三十三首

卷之八

振衣亭詩草 壬午

九十六首

卷之九

漁城遊草 癸未甲申

一百一十二首

卷之十

肯構軒詩草 乙酉丙戌

四十六首

卷十一

得露軒詩草 丁亥

四十三首

卷十二

鷗波館詩草 戊子己丑

三十九首

卷十三

東坡老屋詩草 庚寅壬辰

九十四首

惕夫詩鈔總目

二

卷十四

燕支山館詩草 壬辰

三十七首

卷十五

雪堂詩草 甲午

九十四首

卷十六

挹翠山房詩草 乙未

二十三首

卷十七

輪蹄詩草 丙戌至乙未

七十二首

卷十八

惕夫詩鈔初刻

南坡詩草 丙申丁酉

附 丁簾秋草

一百六十首

卷十九

揮霍詩草 戊戌

三十二首

卷二十

倚衡精舍詩草 己亥

九十九首

卷二十一

後庚詩草 庚子

一百七首

卷二十二

北樓詩草 辛丑壬寅

二百二十五首

惕夫詩鈔總目

三

卷二十三

芙蓉山館詩草 壬寅癸卯

八十首

爽來詩草卷一

讀李太白集

讀杜工部集

讀韓詩

雨後

雨中

登尖峯

咏蘭

寄李軒臣同年

集杜二首

爽來詩草目錄

卷一

夏夜

過山寺

村雨

東王江陵

花朝看燈

馬上作

夜雨

題畫紅梅

玉蘭花

春暮

二首

崇如張三畫烏絲

題蕉葉二絕

寄崇如張三

感懷

集文選

子夜歌

家

大人自館寄示一詩敬和十二首之五

和覺生師韻

二首

與友人同論隨園詩話

四首

爽來詩草目錄

卷一

買書

胡蝶

二

爽來詩草卷一

黃岡謝 葵陽未

余派名道境號爽亭己巳春隨家大人讀於王氏之三槐書屋池館臺榭頗可人意甫入門有亭翼然額以爽來二字豈前定耶余少好韻語仿漁洋山人之例二十三歲以前之作均不敢存起庚午訖癸酉得詩若干爲第一卷

讀李太白集

青蓮本清廉才識自超曠想其披宮錦乘興亦何放胸次爽來詩草

卷一

洞無物有美四支暢巨眼識汾陽此卽恢恢量不得敏捷才合使初唐讓神仙詎可學大雅獨高唱

讀杜工部集

換骨將求仙超凡乃入聖庸兒妄軒輊萬丈光芒映稷契能自許樽酒或心競學之凡幾人呻吟實無病却笑醉鄉侯何似龍宮聘食牛豈養養騎鯨倍游泳賴有吏部詩一洗浮言淨

讀韓詩

文起八代衰詩峙三家鼎譬如讀尙書大誥盤庚等排彙

必有力硬語自清挺詩教首溫柔正宗或殊迴學之才少絀洪鐘叩以莛不如嚴步趨蘇海差堪并

雨後

白雲常出岫流水抱山根釣艇張漁網田家晒犢禪鳥啼春事起樵唱暮烟昏結構青松下閒吟酒一尊

雨中

疊巘暮雲封深潭起臥龍田間鳴水碓樹外急村春鳩拙巢應濕花嬌色更濃長卿消渴甚岑寂困臨邛

登尖峯

爽來詩草

卷一

二

蠟屐穿雲出登臨望未窮層巒環古寺落葉下危峯鳥嘯蒼烟外泉聞碧澗中徐行抵薄暮歸路夕陽紅

咏蘭

生從幽谷裏移向石欄前似有同心雅能無入室憐芬芳香色在冉冉露華妍玉樹憑依舊庭階趣邈然

寄李軒臣同年

集杜

當代論才子新詩日又多翰林名有素佳句法如何莫道新知要誰憐醉後歌繁書無浪語遠逗錦江波

論交翻恨晚惜別到文場天路牽騏驥崑山生鳳凰早年

見標格同舍有輝光楚岸收新雨靈芝冠眾芳

夏夜

晚風清暑氣良夜等閒過露涸蛟豪褥香生鳳尾羅三年
憐沈約一室寄維摩厭聽陽關疊凄然喚奈何

過山寺

蠟屐欲何去僧寮淡客情茂林樵辨徑隔竹鳥分聲花散
經臺濕香飛寶篆輕升天與成佛煮水話平生

村雨

細雨晚淒淒川雲拂樹低蜂鬚沾濕絮燕背落香泥石冷

爽來詩草

卷一

三

蒼苔滑花幽小徑迷村翁攜美酒邀我渡清溪

東王江陵

江上潺湲水自流茫茫烟霧鎖黃州宣城枉辨雲中樹庾
亮空登月下樓迢遞未能重聚首蹉跎翻恨又經秋倘乘
雪夜山陰興與破我西窗一段愁

花朝看燈

踏歌隊裏路迢迢一簇華燈蠟炬燒撲蝶會中衫影亂看
花人過珮聲遙風低柳浪龍吟笛月轉桐陰鳳引簫良夜
那須金綺買要畱紅杏賣明朝

馬上作

按轡徐行意惘然滿腔新恨壓鞍韉掌珠墮淚零丁日酒
殘隨波上已天時亡女蛺蝶歸從紅樹底杜鵑響徹白雲邊
却愁無計畱春住笑過前村著一鞭

夜雨

檢盡殘書已二更窗紗飛碧冷孤檠沈吟未就還熏被怕
聽芭蕉點滴聲

題畫紅梅

不怨春風并倚闌何分南北笛聲殘羅浮一夢多酣暢畱

爽來詩草

卷一

四

得紅顏畫裏看

玉蘭花

月淡西窗影欲無仙根何日下蓬壺文君未醉相如酒縞
素衣裳祇自娛

春暮

杜牧尋春未覺遲無端風伯太淩夷閒中領畧情多少恰
是羅浮夢醒時
何曾潘鬢白如絲撩亂東風不自持最是夜深花睡去半
彎弓月浸方池

崇如張三畫鳥絲

牙尺鉛刀事事精
絲豪界畫總分明
風流比緒添多少
愧在盧前畏後生

題蕉葉二絕

不是松花不是苔
半方碧玉淨含胎
草書正好臨懷素
萬樹何妨盡數栽

嫩綠池塘寫畫圖
霜花似比墨花龐
不知今夜庭前雨
滴破寒窗夢也無

寄崇如張三

爽來詩草

卷一

五

一別幾何時
懷君知未知
少爭三寸舌
多讀五言詩
掩卷眠宜早
開軒起莫遲
神交各努力
談笑在秋期

感懷 集文選

被服統與素
隨時愛景光
世網嬰我身
改轍登高岡
秋草萋以綠
山樹鬱蒼蒼
雙袂如霧散
攬衣不及裳
解帶臨清風
惟德在無忘
白雲隨玉趾
高志局四方
俯視清水波
仰觀南雁翔
羨爾歸飛翼
綿綿思故鄉

子夜歌

良人戍不歸
空牀難獨守
燈下繡鴛鴦
鴛鴦成匹偶

家大人自館寄示一詩敬和十二首之五

勝我連珠兩度窮
西河舊淚灑江東
賸來碩果龐成寶
珍重深慚在掌中

步兵年少哭途窮
杼柚兼悲大小東
半百星霜人漸老
精神又減塊苔中

文選昌黎敢送窮
長安錯指笑從東
此時細算循環理
應在天心七日中

果然聖俞是詩窮
此事還須祖讓東
池上鳳毛殊未有
愧承喬蔭下垂中

爽來詩草

卷一

六

荆璞當年遇屢窮
懷珠欲種玉堂東
羊鬚縱是三回捋
肯把晶瑩投闇中

和覺生師韻

幾載星軺駐繡幢
飛雲點點撲春缸
賢良對策名居一
俊彥培才實少雙
賦手十年推自左
筆花五色借從江
延芳芝苑

恩光近小草
殷勤採綠茫

輝輝紫綬映珠幢
消夏筵開倒翠缸
舊賜金蓮叨異數
新班玉筍妙無雙
梓材秋老移南國
杏雨初飛宴曲江
才說

宣城增感愧清芬欲誦賦蘭茝

與友人同論隨園詩話

匠門羅衆材繩尺不泥用長者爲榱楹大者爲梁棟方員或異質矩矱仍相共拳曲並靡腫棄置有餘痛補截罔不良審度屢操縱於此費匠心心苦無缺空所以稱妙手居然修五鳳

多財乃善賈善賈尤居奇珍珠一萬斛謀利先傾貲售價若不早觀望徒喧嘻巧訣間可得三倍優爲之於斯定棄取明決當及時

爽來詩草

卷一

七

琢玉先刮璞揀金用披沙金玉不自獻剝取惟專家躍冶務求煉掩瑜方去瑕調劑若百工醉眼無昏花

通衢本四達遠達歸長安我乘薄笨車君乃跨銀鞍馬逸不能止車行尙蹢躅舉頭向西笑未敢多盤桓道旁此鄉村豈足爲巨觀揚鞭且敲鐙按轡鳴和鑾斜日掛疎林駐步良獨難

買書

貪書如貪財積累不知足愛書如愛色情急難從欲夙緣結前生才許今生讀偶入五都市徧覽飽饞目多不惜滿

簾少或畱一束但得爲我有卽此貯金屋西家豔先施東鄰窺宋玉初遂狎暱情情親過骨肉何如張茂先鄉鄰享奇福

胡蝶

自愛何郎傅粉同偶然擡舉趁東風有人莫漫嘲輕薄不肯低身踏落紅

爽來詩草

卷一

八

金臺詩草卷二

西平道中

題畫

呈制府馬朗山師 十首之六

寄徐石村

別友人歸里

旅感

秋曉

清明卽事

金臺詩草目錄 卷二

題畫

狂來歌

攜筆吟

不寐

南旋詞呈鮑覺生夫子卽用贈行六月全韻

車中望太行山殘雪

金臺詩草卷二

黃岡謝 葵惕夫

自辛未春受知於鮑覺生夫子

諱桂星己未進士歙縣人

越二年列

癸酉拔萃甲戌正月入都八月歸里得詩不多曰金臺

詩草誌出遊之始也爲第二卷

西平道中

入都時作

我從信陽來直達西平境荒郊麥苗稀車馬半馳騁入市

人不喧屋角鴉軍整盃水取兩錢奚論飯與餅軟語商居

民天災何太頻居民閨吾語欲言淚如雨云自汴城南旱

金臺詩草 卷二

年十有五小旱何足論大旱不可言棲息無一所離徙空

千村所賴有子遺獨賑

天語溫昨傳縣吏呼募勇衛中原可憐老翁媪男多竟無

存閨中亦有婦膝下亦有孫黃口向人啼紅顏背人哭急

迫投縣城白月照白骨犬牽人衣雀啄人肉犬兮亦

何知雀兮亦何毒我生本書迂瓶未儲斗粟耳聞心已寒

目見手尤束仰首呼蒼天天公何默然

題畫

衝寒策蹇到誰家踏碎瓊瑤去路賒一望前村無酒店金

貂何處醉流霞

呈制府馬朗山師 十首之六

詩星照澈武昌城，不僅襄陽播盛名。
鸚鵡洲邊春正永，鳳凰山外雨初晴。
高吟漫數元和體，大雅應宣正始聲。
手澣薔薇幾回讀，記曾私淑有餘情。

橫風疾雨太支離，宛若銀鈎瘦益奇。
六草紛披抽翠管，五雲爛漫界烏絲。
公權筆正心先正，彥遠神疲意不疲。
願得幅箋藏墨寶，明窗淨几一臨池。

一瓣香分未覺遲，門牆立雪座風吹。
盧仝早已瞻韓斗，張

金臺詩草

卷二

二

籍偏能飲杜詩，自是金蘭聯舊契。
謬評玉筍濯新姿，此時應有南來雁。
指點雲山望九疑。

燕山鐵羽暫歸林，欲借枝棲懷好音。
不礙雲霄期萬里，無端風雨黯重陰。
詩成之問空雕玉，賦擬相如莫售金。
鸚鵡薦鵬盤終有待，寄人籬下且長吟。

自慚桑硯未磨穿，著我青衫近十年。
三戰棘闈常北走，千言藤紙又南旋。
鶴樓秋月珣弓滿，鵲渚春波素練懸。
薛卞門高誠長價，荊州書上李青蓮。

宏獎風流汲引新，何妨自笑捲簾人。
古來草聖兼詩聖，當

代儒臣亦世臣，化雨登龍增十倍。
和風拂塵坐三春，肯容夾袋畱名姓。
會待他年拜紫宸。

寄徐石村

滿目蕭條悲遠天，河梁分手早春前。
雁來不覺三秋隔，人去空令一榻懸。
靜對蒹葭聊自詠，閒聽流水爲誰妍。
停雲再讀泉明句，不見南州意惘然。

別友人歸里

此地春光最可憐，况教折柳到離筵。
鞭飛烟雨絲千縷，路阻雲山月一天。
迢遞莫辭傳雁字，殷勤須待寄瑤篇。
岸傍看有瓊花樹，好放山陰處士船。

金臺詩草

卷二

三

旅感

王粲空登客裏樓，池塘夢醒倍生愁。
露涵梅夢香猶濕，雲褪嵐光翠欲流。
幾點寒星飛酒琖，一彎明月下簾鉤。
吹殘鄰笛聲聲淚，洩盡青衫竟不休。

秋曉

長空萬里曉雲收，客寄閒情正倚樓。
簷潤似經昨夜雨，衣單漸覺異鄉秋。
烟迷柳岸風三折，水浸荷池月半鉤。
爽氣

西來挹不盡銅鈺才掛遠峰頭

清明卽事

梨花院宇寂無聲解事春風慣送迎幾度蹴毬塵不起一
番潑火雨初晴桐陰鋪繡畱公鳳柳絮勻綿坐暖鶯徒倚
空庭添客思龍團試煮石泉清

四郊芳草亦多情青眼初分百感生犀押不垂雙黑暗鯉
庭曾歷幾清明兒時弄笛還騎竹客裏聞簫又賣餠却憶
曲江池上客紅綾香裏話登瀛

題畫

金臺詩草

卷二

四

滴粉搓酥對鏡臺睡遲起早要郎猜只緣卿愛盤龍髻新
樣儂還學得來

狂來歌

狂來歌歌莫哀停杯聽我歌狂來人生當著幾兩屐朝遊
麟鳳之滄洲暮宿蓬萊之山隈一飲千石不足量復以大
海爲酒醅洪崖先生竟醉矣笑殺崑崙老奴才

擱筆吟

太白擱筆黃鶴樓到今佳話傳千秋當年擱筆爲崔灝此
日效顰殊可笑筆公且莫喧聽我擱筆詞爾旣不能掉臂

入秘閣塗改清廟生民詩又不諛摹題豐碑揮寫幼婦與
色絲年年抱橐束牛尾何曾一日能揚眉質剛力健鋒太
銳進銳早已階之厲舌存齒落鑒在前幾時脫穎出奇計
我今置爾翡翠牀珊瑚架外生輝光玉蟬儲水潤枯槁金
壺貯墨分馨香吁嗟此筆何鄭重薛公九錫封都統一自
龍鬚拜郅詵後來高價爭良鳳右軍掣江郎夢只有班超
投不用今日示君擱筆吟笑殺從前李供奉明年遼舉趁
東風請看五色仙花紅

不寐

金臺詩草

卷二

五

夜深愁不寐起坐對銀缸最苦鼠穿屋翻嫌蟲打窗杵鳴
常搗月竹響忽驚危竇匣光冲斗猶畱劍一雙

南旋詞呈覺生夫子卽用贈行六月全韻

皇帝十九年甲戌秋七月賤子將南旋師門重請謁拜罷
無多言侍坐徒兀兀憤焉如未啓俳焉如未發夫子詔之
前爾意何恍惚雲路尙遙覩霜蹄且暫蹶聞此對未遑氣
概殊救救含意久欲伸期艾形口訥頗覺語加詳敢憂才
旣竭往者庚午冬仙吏持玉鉞輶轡到南邦湛露懷
北闕珊瑚搜紅海出網聲窸窣止水貯冰壺泮黉見絲忽

燕石或投前輒自逢訶咄

夫子下車觀風指卷達例多作被斥

明年桃李春

赤壁雨初歇翹翹使君軒高秉玉田揭技獻五花聰飛爭

千里鵲白眼又迴青面命語無悖歸去頗自慚坐窗志尤

淳爾給何營營子求復屹屹呼曹發書倉攜李探詩窟有

時吟短篇却怪左右拌有時抒長歌墨瀉硯窰凸烏兔東

復西隙駒過留留大風從天來仙鶴盤巉岬羽滿毛且豐

早已脫凡骨凌霄一迴舞應節非倉猝從此出樊籠何事

侶鷓鴣棲我以碧梧不取南山樾飼我以丹砂不採西山

巖林通暫放歸羊公欲承罰對客遽耗託馴庭竟難獬更

金臺詩草

卷二

六

復招之來皎皎明其詩謂章何囁囁謂杓何胡律誘掖善

循循工夫多措措如彼六度舟如彼三乘筏頓使波浪恬

幸免患沈沈天吳忽鼓濤百怪相出沒我自愛我身迢迢

詎能越弱水不勝舟滄江或標碣春色滿長安膏車興達

勃夜雪臥茅亭晨風越草垓詎云跋涉勞惟期解結悒登

堂拜夫子筠簾手掀掀啓悟發樞機示迷斷株楸訓誨恆

諄諄須臾間卒卒譬若河海流奚容涇渭汨宋五坦率常

盈盈淚仍滑雨階但聞蛩夜壁不見蠟金臺萬丈高玉質

幾番川乘舫已無帆駕車已無軌盜泉難解暑惡木難蔭

竭巨虛畏見人反走猶負屨吁嗟逆旅身徒自困蹉跎憶

昔渡黃河奔湍流滑澗或大如移山或小如破核或輕如

蓬塊或重如屹屹一升與一沈理不差豪髮此中叅氣機

熟芋煨柑柚忽忽四五年本固不可捫回首悲喜乘枯槁

如宿梓穿井未及泉九仞勞空掘何以釋我憂霍山尋拙

拙長跪別夫子夫子幸無艱珠櫝豈見還璠璣漫唐突探

討有深懷言泉敢矜伐績學以待時妙句當銘刷及此歌

驢駒旦夕杳吳粵相見會有期大斗傾酥字知已恩莫忘

故人情倚拍吾愛陳元龍湖海意蓬惇

秋妨陳五

吾愛李青蓮

金臺詩草

卷二

七

清高薄官閣

軒臣李三

陳思

中州曹懷璞

與公幹

天門劉莘農

同時共書

楊豪爽自出塵阿好匪蜚蜚蜚賤子亦何知微長綫拆襪砥

礪藉他山忘醜取崇堀筆未還江淹丹將授蕭勃藝圃足

耕耘書田容齋訖詞賦竊惠連天姿遜末羯臣甚憐臣飢

肥肯笑糠粃試看新少年繡轂兼蒙敝賜餅爨紅綾芳香

勝碧饌逢人說項斯到處稱韓厥炙熱莫敢前勢張莫敢

掀策駿並騰驤橫鯨獨笑抗車塵馬足閒餽生容擔揆耳

中何所聞愁鳩競咽盟南鵲與北鴉空聽鳥聲峭述行賦

中郎遑云正路總肥思江上鱸鮮憶江頭鰈漢水會瀟湘